



Broj: 12-30-41379-2/23
Sarajevo, 17.10.2023. godine

Na osnovu člana 23. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05, 45/10 i 103/21), odredbi Pravilnika o unutrašnjoj organizaciji i sistematizaciji Ministarstva kulture i sporta Kantona Sarajevo (broj: 12-02-9199/18 od 26.04.2018. godine, broj: 12-02-9199-4/18 od 17.09.2018. godine, broj: 12-02-37868/21 od 12.10.2021. godine i broj: 12-02-40478/23 od 13.09.2023. godine) i Odluke Vlade Kantona Sarajevo (broj: 02-04- 43312-6 /23 od 12.10.2023. godine), ministar kulture i sporta Kantona Sarajevo, objavljuje

JAVNI OGLAS
za popunu upražnjenog radnog mjesta namještenika na neodređeno vrijeme
u Ministarstvu kulture i sporta Kantona Sarajevo

I - Naziv radnog mjesta:

Viši referent za unos podataka u trezorski sistem jedan (1) izvršilac

II - Opis poslova radnog mjesta:

Obavlja poslove koji se odnose na:

- provjeravanje ispravnosti prispjelih naloga kroz glavnu i pomoćnu knjigu,
- obavljanje unosa svih vrsta uplata, naknada i drugih primanja korisnika usluga,
- praćenje realizacije unesenih naloga i dostavljanje nalogodavcima,
- pripremanje periodičnih izvještaja o realizovanim nalogima,
- pripremanje operativnih planova potrebnih sredstava,
- praćenje stanja raspoloživih sredstava na pojedinim kontima, glavnoj i pomoćnim knjigama,
- učestvuje u svim oblicima stručnog obrazovanja i usavršavanja, koje se odnosi na opis poslova ovog radnog mjesta,
- obavljanje i drugih poslova po nalogu ministra, pomoćnika ministra za ekonomske i pravne poslove i šefa odjeljenja,
- za svoj rad odgovara šefu odjeljenja i pomoćniku ministra.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

Pored općih uslova iz člana 24. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05, 45/10 i 103/21) kandidat treba ispunjavati i posebne uslove za obavljanje poslova navedenog radnog mjesta utvrđene



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-062, Fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba

Pravilnikom o unutrašnjoj organizaciji i sistematizaciji Ministarstva kulture i sporta Kantona Sarajevo i to:

III - Uslovi za vršenje poslova: Završena srednja ekonomska škola ili gimnazija, SSS-IV-stepen, najmanje 10 mjeseci radnog staža u struci, poznavanje rada na računaru i položen stručni ispit.

IV - Potrebna dokumentacija:

Uz svojeručno potpisanu prijavu na Javni oglas koja sadrži kraću biografiju, adresu i kontakt telefon, poziciju radnog mjesta na koju se prijavljuje, sa tačno navedenom dokumentacijom koja se prilaže na Javni oglas, kandidat je obavezan priložiti original ili ovjerenu fco. sljedeće dokumentacije:

1. Uvjerenje o državljanstvu Bosne i Hercegovine (ne starije od 6 mjeseci),
2. Izvod iz matične knjige rođenih,
3. Dokaz o stepenu i vrsti školske spreme potrebne za obavljanje poslova radnog mjesta na koje aplicira (diploma ili svjedočanstvo o završenoj školi ili nostrificirana diploma ukoliko škola nije završena u Bosni i Hercegovini ili je diploma stečena u nekoj od država nastaloj raspadom SFRJ nakon 06.04.1992. godine),
4. Dokaz o radnom stažu (uvjerenje/potvrda iz službenih evidencija poslodavca ili uvjerenje FZ PIO/MIO FBiH)
5. Izjava kandidata da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji odnosno Bosni i Hercegovini (ovjerena u nadležnoj službi općine koja vrši ovjeru potpisa, data i ovjerena nakon objave Internog oglasa),
6. Izjava kandidata da nije obuhvaćen odredbom člana IX 1. Ustava Bosne i Hercegovine (ovjerena u nadležnoj službi općine koja vrši ovjeru potpisa, data i ovjerena nakon objave Javnog oglasa),
7. Dokaz o poznavanju rada na računaru (potvrda/uvjerenje/certifikat),
8. Dokaz o položenom stručnom ispitu za namještenike u organima državne službe u Federaciji Bosne i Hercegovine (kandidat koji ispunjava uslove Javnog oglasa, a nije položio stručni ispit, može se primiti u radni odnos, ali je dužan položiti stručni ispit najkasnije u roku od šest mjeseci od dana prijema u radni odnos u organ državne službe),
9. Dokaz o prednosti pri zapošljavanju (rješenje /uvjerenje od nadležne institucije).

V - Prednost pri zapošljavanju pod posebnim uslovima:

Prednost pri zapošljavanju ostvaruju branioci i članovi njihovih porodica u skladu sa Zakonom o dopunskim pravima boraca - branitelja („Službene novine Kantona Sarajevo“, broj 31/22), Zakonom o pravima demobilisanih branilaca i njihovih porodica („Službene novine Kantona Sarajevo“, broj 54/19) i Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj 37/20 i 27/21).

VI - Objava i rok za prijavu:

Javni oglas će se objaviti u dnevnom listu: Dnevni avaz, Oslobođenje i Dnevni list i web stranici Ministarstva kulture i sporta Kantona Sarajevo.

Javni oglas ostaje otvoren 15 dana od dana posljednjeg objavljivanja.

VII - Način dostavljanja:

Prijave sa traženim dokumentima dostaviti u zatvorenoj koverti preporučeno putem pošte ili putem Protokola Kantona Sarajevo sa naznakom Komisija za provođenje Javnog oglasa za prijem namještenika – NE OTVARATI" na adresu:

Kanton Sarajevo

Ministarstvo kulture i sporta

ul. Reisa Džemaludina Čauševića broj 1.

71000 Sarajevo.

Dokumentacija uz prijavu dostavlja se u originalu ili ovjerenoj kopiji.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-062, Fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba

VIII - Napomena:

Komisija će sa kandidatima koji budu ispunjavali uslove Javnog oglasa obaviti intervju. Izabrani kandidat dužan je dostaviti ljekarsko uvjerenje o zdravstvenoj i radnoj sposobnosti prije stupanja u radni odnos od nadležne zdravstvene institucije i uvjerenje da se protiv kandidata ne vodi krivični postupak (ne starije od tri (3) mjeseca) izdato od strane nadležnog suda. Namještenik koji se prima u radni odnos podliježe obavezi probnog rada koji traje tri mjeseca. Nepotpune i neblagovremene prijave neće se uzimati u razmatranje.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-062, Fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba